

Broj: 01-01.3-7481-95/24 AK

Datum: 22.09.2025. godine

Na osnovu člana 72. stav (3) tačka b) Zakona o javnim nabavkama („Službeni glasnik BiH“, br.: 39/14, 59/22 i 50/24), Rješenja Ureda za razmatranje žalbi BiH, broj: JN2-01-07-1-1238-11/25 od 04.09.2025. godine i Zapisnika komisije za nabavke o pregledu dodatne dokumentacije, broj: 01-01.3-7481-94/24 AK od 18.09.2025. godine, direktor Javnog preduzeća „Autoceste Federacije Bosne i Hercegovine“ društvo sa ograničenom odgovornošću Mostar donosi sljedeću:

### **ODLUKU o dodjeli ugovora drugorangiranom ponuđaču**

I

Ugovor za javnu nabavku usluga: „**AC Jadransko Jonska autocesta (spojna cesta 8 km od petlje AC do M17.3)**“ dodjeljuje se drugorangiranom ponuđaču – grupi ponuđača **INTEGRA d.o.o. Mostar (nosilac grupe ponuđača)** i **IGH d.o.o. Mostar (član grupe ponuđača)**, u vrijednosti od 697.373,98 KM sa uračunatim popustom u iznosu od 7% i bez uračunatog PDV-a, odnosno 815.927,56 KM sa uračunatim popustom i PDV-om, u skladu sa članom 72. stav (3) tačka b) Zakona o javnim nabavkama (u daljem tekstu: Zakon), odnosno zbog propusta prvorangiranog ponuđača da dostavi dokumentaciju koja je bila uslov za zaključenje ugovora, a koju je bio dužan pribaviti u skladu sa propisima u Bosni i Hercegovini.

II

Izabrani drugorangirani ponuđač se obavezuje da u roku od 5 (pet) dana od dana prijema ove Odluke dostavi originale ili ovjerene kopije dokumentacije iz člana 45. stav (1) tač. a) do d) Zakona za oba člana grupe ponuđača i dokumentacije koja je uslov za zaključivanje ugovora u skladu s važećom legislativom, bez izmjene ponude.

III

JP Autoceste FBiH d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđačima koji su učestvovali u postupku nabavke.

### **O b r a z l o ž e n j e**

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. st. (2) i (5), 17. stav (1), 18. stav (1) i 19. stav (1) Zakona, pokrenulo otvoreni postupak, broj: 01-01.3-7481/24 AK za nabavku usluga: „AC Jadransko Jonska autocesta (spojna cesta 8 km od petlje AC do M17.3)“. Na portalu javnih nabavki objavljeno je Obavještenje o nabavci, broj: 266-1-2-101-3-274/24 dana 06.09.2024. godine, Ispravka za obavještenje o nabavci, broj: 266-1-2-101-8-299/24 dana 15.10.2024. godine i Ispravka za obavještenje o nabavci, broj: 266-1-2-101-8-309/24 dana 25.10.2024. godine. Kriterij za dodjelu ugovora je „najniža cijena“.

Na osnovu Obavještenja o nabavci, tenderske dokumentacije i Izmjena tenderske dokumentacije izvršeno je javno otvaranje ponuda dana 13.11.2024. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Operativni ured Sarajevo, Hamdije Kreševljakovića 19, Sarajevo, što je konstatovano u Zapisniku o otvaranju ponuda u



skladu sa Zakonom. Komisija za nabavke je na javnom otvaranju ponuda konstatovala da je ponude blagovremeno predalo jedanaest (11) ponuđača.

Komisija za nabavke imenovana Rješenjem, broj: 01-01.3-7481-3/24 AK od 24.09.2024. godine je prema članu 65. Zakona pristupila pregledu i ocjeni ponuda, što je evidentirano u Zapisniku o pregledu i ocjeni ponuda, broj: 01-01.3-7481-75/24 AK od 11.07.2025. godine, koji i dalje ostaje na snazi, na osnovu kojeg je donesena Odluka o izboru, broj: 01-01.3-7481-76/24 AK od 15.07.2025. godine.

Navedenom Odlukom, ponude sljedećih ponuđača: grupe ponuđača RADIS d.o.o. Istočno Sarajevo, ROUTING d.o.o. Banja Luka, GIBL d.o.o. Banja Luka i Mides d.o.o. Banja Luka, grupe ponuđača INTEGRA d.o.o. Mostar i IGH d.o.o. Mostar, grupe ponuđača IPSA INSTITUT d.o.o. Sarajevo i INSTITUT IGH d.d. Zagreb, grupe ponuđača PPG d.o.o. Sarajevo i INFRA d.o.o. Sarajevo i grupe ponuđača DIVEL d.o.o. Sarajevo i DESIGN&QC d.o.o. Sarajevo ispunjavaju sve uslove i zahtjeve propisane tenderskom dokumentacijom te kao takve su ocjenjene prihvatljivim. Primjenom kriterija „najniža cijena“, odlučeno je da Ugovor bude dodijeljen ponuđaču – grupi ponuđača RADIS d.o.o. Istočno Sarajevo, ROUTING d.o.o. Banja Luka, GIBL d.o.o. Banja Luka i Mides d.o.o. Banja Luka. Na navedenu Odluku izjavljena je žalba od strane ponuđača – grupe ponuđača INTEGRA d.o.o. Mostar i IGH d.o.o. Mostar, koju je ugovorni organ, smatrajući neosnovanom, sa izjašnjenjem i kompletnom dokumentacijom predmetnog postupka, proslijedio Uredu za razmatranje žalbi Bosne i Hercegovine (u daljem tekstu: URŽ). Rješenjem URŽ-a, broj: JN2-01-07-1-1238-11/25 od 04.09.2025. godine žalba ponuđača – grupe ponuđača INTEGRA d.o.o. Mostar i IGH d.o.o. Mostar je usvojena, poništena je Odluka o izboru najpovoljnijeg ponuđača br. 01-01.3-7481-76/24 AK od 15.07.2025. godine i predmet je vraćen ugovornom organu na ponovno odlučivanje.

Postupajući po Rješenja URŽ-a, broj: JN2-01-07-1-1238-11/25 od 04.09.2025. godine, Komisija za nabavke imenovana Rješenjem, broj: 01-01.3-7481-3/24 AK od 24.09.2024. godine je pristupila pregledu i ocjeni dodatne dokumentacije dostavljene od strane izabranog ponuđača, koja je žalbom osporena. Rezultat pregleda dodatne dokumentacije od strane Komisije za nabavke evidentiran je u Zapisniku o pregledu dodatne dokumentacije, broj: 01-01.3-7481-94/24 AK od 18.09.2025. godine, koji je sastavni dio ove Odluke.

U skladu sa navedenim, Komisija za nabavke je konstatovala da nisu ispunjeni uslovi za zaključenje ugovora sa prvorangiranim ponuđačem – grupom ponuđača: RADIS d.o.o. Istočno Sarajevo, ROUTING d.o.o. Banja Luka, GIBL d.o.o. Banja Luka i MIDES d.o.o. Banja Luka, shodno rang – listi ponuđača datoj u Zapisniku o pregledu i ocjeni ponuda, broj: 01-01.3-7481-75/24 AK od 11.07.2025. godine, koji i dalje ostaje na snazi, iz razloga što je isti propustio dostaviti originale ili ovjerene kopije potrebnih ovlaštenja/rješenja/uvjerenja za člana grupe ponuđača Mides d.o.o. Banja Luka. Na taj način, navedeni član grupe ponuđača nije dokazao ispunjavanje uslova na koje se obavezao Izjavom o obezbjeđenju ovlaštenja/rješenja/uvjerenja, dostavljenom u sastavu ponude u formi Aneksa 10, kojom je izjavio da će istu dostaviti u skladu sa važećim materijalnim propisima.

U skladu sa provedenim postupkom, nalogu iz Rješenja URŽ-a, te kriterijem za dodjelu ugovora „najniža cijena“, ugovorni organ primjenom člana 72. stav (3) tačka b) Zakona dostavlja prijedlog ugovora ponuđaču čija je ponuda po rang – listi, datoj u Zapisniku o pregledu i ocjeni ponuda, broj: 01-01.3-7481-75/24 AK od 11.07.2025. godine, odmah nakon ponude najuspješnijeg ponuđača.

Izabrani drugorangirani ponuđač se obavezuje da u roku od 5 (pet) dana od dana prijema ove Odluke dostavi originale ili ovjerene kopije:

- dokaza o ispunjenosti uslova lične sposobnosti u skladu sa članom 45. stav (1) tač. a) do d) Zakona za oba člana grupe ponuđača,



Identifikacijski broj: 4227691540005 PDV broj: 227691540005  
Glavni račun: Union banka Sarajevo 1020010000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296564549  
Registровано u Općinskom sudu u Mostaru, MBS 58-01-0179-10

- sve eventualne izmjene rješenja/ovlaštenja/uvjerenja za koje je dao izjavu (Aneks 10 tenderske dokumentacije) u odnosu na dostavljene u ponudi, kao i
- dokaz o stručnoj osposobljenosti u skladu sa važećom legislativom za člana tima Ivana Čambersa predloženog na poziciju geolog – voditelj istraživanja, u vidu izmjene dostavljenog ovlaštenja/rješenja Federalnog ministarstva prostornog uređenja za izvođača, broj: UPI/03-19-2-700/24 od 25.7.2024. godine za pravno lice GEOCON d.o.o. Čitluk, kod kojeg je predloženi član tehničkog osoblja zaposlen, u skladu sa čl. 48.stav (2) tačka d) i u skladu s čl. 62. stav (4) i (5) Uredbe o uređenju gradilišta, obaveznoj dokumentaciji na gradilištu i učesnicima u građenju (Službene novine FBiH, br.: 25a/22, 42/22,93/22,33/24 i 59/25), da bi Ugovorni organ mogao odobriti Popis predloženog tehničkog osoblja dostavljen u ponudi izabranog drugorangiranog ponuđača.

S obzirom na navedeno, a imajući u vidu da je ponuda ponuđača – grupe ponuđača INTEGRA d.o.o. Mostar i IGH d.o.o. Mostar na rang – listi odmah nakon ponude najuspješnijeg ponuđača, odlučeno je kao u dispozitivu ove Odluke.

### Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

### Prilog:

- Zapisnik komisije za nabavke o pregledu dodatne dokumentacije, broj: 01-01.3-7481-94/24 AK od 18.09.2025. godine;

**Izvršni direktor  
za projektovanje i građenje:**

.....  
**Asmir Dževlan, dipl.ing.građ.**

**Direktor:**

.....  
**Denis Lasić**



### Dostaviti:

- ponuđačima koji su predali ponude i
- a/a;



Identifikacijski broj 4227691540005 PDV broj 227691540005  
Glavni račun: Union banka Sarajevo 1020010000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296565459  
Registровано u Općinskom sudu u Mostaru, MBS 58-01-0179-10

Broj: 01-01.3-7481-94/24 AK

Datum: 18.09.2025. godine

**ZAPISNIK KOMISIJE ZA NABAVKE  
o pregledu dodatne dokumentacije**

**Predmet:** Otvoreni postupak za nabavku usluga: „AC Jadransko Jonska autocesta (spojna cesta 8 km od petlje AC do M17.3)“

U otvorenom postupku javne nabavke usluga: „AC Jadransko Jonska autocesta (spojna cesta 8 km od petlje AC do M17.3)“ prvobitno izabrani ponuđač – grupa ponuđača RADIS d.o.o. Istočno Sarajevo, ROUTING d.o.o. Banja Luka, GIBL d.o.o. Banja Luka i Mides d.o.o., je u skladu sa tačkom y) Zapisnika o pregledu i ocjeni ponuda broj: 01-01.3-7481-75/24 AK od 11.07.2025. godine bio dužan dostaviti sljedeće:

- Originale ili ovjerene kopije traženih dokaza za kvalifikaciju ponuđača u pogledu lične sposobnosti – član 45. Zakona, odnosno dokumente kojima potvrđuje vjerodostojnost Izjave o ispunjavanju uslova iz člana 45. stav (1) tač. od a) do d) Zakona, a za koje je dao izjavu u skladu sa Aneksom 5 tenderske dokumentacije za sve članove grupe ponuđača;
- original ili ovjerenu kopiju dokumenta (Pismo namjere/Izjava Osiguravača) kojim dokazuje ispunjenost postavljenih uslova ekonomske i finansijske sposobnosti ponuđača – grupe ponuđača u skladu sa članom 47. st. (1) tač. b) i (4) Zakona,
- original ili ovjerenu kopiju pravnog akta o udruživanju u grupu ponuđača, u skladu sa svim zahtjevima navedenim u tački 7.5.2 tenderske dokumentacije,
- original ili ovjerene kopije važećih rješenja/ovlaštenja/uvjerenja, a za koje je dao izjavu u skladu sa Aneksom 10 tenderske dokumentacije za sve članove grupe ponuđača i podugovarače, prema važećim materijalnim propisima, koji uređuju predmetnu oblast;
- u skladu s **Uredbom o uređenju gradilišta, obaveznoj dokumentaciji na gradilištu i sudionicima u građenju (Službene novine Federacije BiH, br. 25a/22, 42/22, 93/22 i 33/24)** ovlaštenja i rješenja o izdavanju ovlaštenja za obavljanje poslova izrade investiciono-tehničke dokumentacije: Konstruktivnog projekta, Hidrotehničkog projekta, Geotehničkog projekta, Građevinskog projekta saobraćajnica: 1) cestovni, Saobraćajnog projekta: 1) cestovni, Projekta elektrotehnike: 1) elektroenergetika, 2) telekomunikacije, Projekta zaštite od požara i za geotehička ispitivanja i istraživanja,
- u skladu s **Pravilnikom o uslovima i kriterijima koje mora ispunjavati pravno lice za izradu dokumentacije na osnovu koje se izdaju vodni akti – (Službene novine Federacije BiH, br. 17/08 i 38/12)** (rješenje za obavljanje djelatnosti izrade dokumentacije na osnovu koje se izdaju vodni akti za složene vodne objekte ili aktivnosti u grupi A člana 4. Pravilnika),
- u skladu s **Zakonom o geološkim istraživanjima Federacije BiH („Službene novine Federacije BiH“, br.: 9/10 i 14/10)** rješenje za obavljanje djelatnosti iz oblasti geologije),
- u skladu s **Zakonom o zaštiti na radu („Sl. list FBiH“, broj: 79/20)** rješenje za obavljanje stručnih poslova iz oblasti zaštite na radu, u skladu sa članom 21.),
- u skladu s **Zakonom o premjeru i katastru nekretnina („Službeni list SRBiH“ br. 22/84,12/87,26/90 i 36/90; „Službeni list BiH“ br. 4/93, 13/94 i „Službene novine Federacije BiH“ broj 61/22), Pravilnikom o održavanju premjera, katastra zemljišta i katastra nekretnina („Službene novine Federacije BiH“, broj 87/22 i 89/23) i Pravilnikom o izradi i održavanju katastra komunalnih uređaja („Službene novine Federacije BiH, broj: 50/21),** Uvjerenje o ispunjenosti uslova i osposobljenosti za

obavljanje terenskih poslova održavanja premjera (pravna lica ili samostalni geodetski privrednici), Uvjerenje o ispunjenosti uslova i osposobljenosti za snimanje i izradu elaborata snimanja katastra komunalnih uređaja.

U sastavu naprijed navedene tačke Zapisnika o pregledu i ocjeni ponuda data je i sljedeća napomena:

**„Napomena:** U slučaju da izabrani ponuđač u ostavljenom roku ne dostavi sva potrebna ovlaštenja/rješenja/uvjerenja, ili da su informacije koje se nalaze u popisu tehničkog osoblja netačne, pogrešne ili obmanjujuće (ne slažu se sa ovlaštenjem/rješenjem/uvjerenjem) smatrat će se da izabrani ponuđač nije ispunio uslov za zaključenje ugovora propisan u tački 9.8.3 tenderske dokumentacije, te će ugovorni organ primjenom člana 72. stav (3) tačka b) Zakona dostaviti prijedlog ugovora onom ponuđaču čija je ponuda po rang – listi odmah nakon ponude najuspješnijeg ponuđača.“

Izabrani ponuđač – grupa ponuđača RADIS d.o.o. Istočno Sarajevo, ROUTING d.o.o. Banja Luka, GIBL d.o.o Banja Luka i Mides d.o.o., je dostavio dodatnu dokumentaciju u roku koji je odredio Ugovorni organ.

S obzirom na činjenicu da je u predmetnom postupku izjavljena žalba na Odluku o izboru najpovoljnijeg ponuđača donesenoj na osnovu rezultata pregleda i ocjene ponuda konstatovanog u Zapisniku o pregledu i ocjeni ponuda, broj: 01-01.3-7481-75/24 AK od 11.07.2025. godine, Komisija za nabavke, zbog obustave postupka, nije bila u mogućnosti ranije izvršiti pregled i ocjenu dodatne dokumentacije koja je uslov za zaključenje ugovora, a koja je tražena tenderskom dokumentacijom te od koje zavisi dalje postupanje Ugovornog organa u skladu s Zakonom o javnim nabavkama.

Ured za razmatranje žalbi Bosne i Hercegovine (u daljem tekstu: URŽ) je dana 04.09.2025. godine, donio Rješenje, broj: JN2-01-07-1-1238-11/25 kojim se usvaja žalba Žalioca te predmet vraća ugovornom organu na ponovni postupak.

U skladu sa pomenutim Rješenjem, Komisija za nabavke imenovana za predmetni postupak, je pregledom dodatne dokumentacije dostavljene od strane najuspješnijeg ponuđača – grupe ponuđača RADIS d.o.o. Istočno Sarajevo, ROUTING d.o.o. Banja Luka, GIBL d.o.o Banja Luka i Mides d.o.o. Banja Luka, utvrdila sljedeće:

- da izabrani ponuđač ispunjava uslove iz člana 45. Zakona, te da je u svrhu dokazivanja ispunjenosti istih dostavio svu traženu dokumentaciju,
- da izabrani ponuđač ispunjava uslove iz člana 47. Zakona, te da je u svrhu dokazivanja ispunjenosti istih dostavio svu traženu dokumentaciju,
- da je dostavljen original pravnog akta o udruživanju u grupu ponuđača, u skladu sa svim zahtjevima navedenim u tački 7.5.2 tenderske dokumentacije i
- da izabrani ponuđača nije dostavio originale ili ovjerene kopije važećih rješenja/ovlaštenja/uvjerenja, a za koje je dao izjavu u skladu sa Aneksom 10 tenderske dokumentacije, za sve članove grupe ponuđača, odnosno za člana grupe ponuđača Mides d.o.o. Banja Luka te nije dokazao da isti ispunjava uslove prema važećim materijalnim propisima, koji uređuju predmetnu oblast, a isti su propisani tačkom 9.8.3. tenderske dokumentacije.

Naime, izabrani ponuđač je u sastavu ponude dostavio Izjavu o obezbjeđenju ovlaštenja/rješenja/uvjerenja – Aneks 10 (str. 237–244 ponude) za svakog člana grupe ponuđača pojedinačno (uključujući člana grupe Mides d.o.o. Banja Luka), kojom potvrđuje da je upoznat s



Identifikacijski broj 4227691540005 PDV broj 227691540005  
Glavni račun: Union banka Sarajevo 1020010000014039  
Transakcijski račun: Raiffeisen bank dd Sarajevo, glavna filijala Mostar 1610200062470038  
Federalna taksa za korištenje autoceste: 1610200062470232 i 3386902296565422  
Naknada za korištenje cestovnog zemljišta: 1610200062470135 i 3386902296565449  
Registровано u Općinskom sudu u Mostaru, MBS 58-01-0179-10

obavezom dostavljanja potrebnih ovlaštenja/rješenja/uvjerenja u roku od pet dana od dana prijema odluke o izboru najpovoljnijeg ponuđača, te da će ista dostaviti prema važećim materijalnim propisima. Međutim, za člana grupe ponuđača Mides d.o.o. Banja Luka u sastavu dodatne dokumentacije nije dostavljeno niti jedno ovlaštenje/rješenje/uvjerenje. Dostavljanjem predmetne Izjave unutar ponude, koja glasi na ime člana grupe ponuđača MIDES d.o.o. Banja Luka, potvrđuje da se isti obavezao da će u roku od pet dana od dana prijema Odluke o izboru najpovoljnijeg ponuđača, obezbijediti i dostaviti predmetna ovlaštenja/rješenja/uvjerenja, a što je nesporno propustio učiniti. Takvim postupanjem ponuđač nije u ostavljenom roku potvrdio činjenicu u pogledu koje je dao Izjavu, odnosno obavezao se na dostavljanje predmetne dokumentacije.

Shodno naprijed navedenom, ponuđač – grupa ponuđača RADIS d.o.o. Istočno Sarajevo, ROUTING d.o.o. Banja Luka, GIBL d.o.o. Banja Luka i Mides d.o.o. Banja Luka nije dokazao da ispunjava sve uslove za zaključenje ugovora propisane tačkom 9.8.3 tenderske dokumentacije, te će Komisija za nabavke dati prijedlog ugovornom organu da postupi u skladu sa članom 73. stav (3) tačka b) Zakona, odnosno dostaviti prijedlog ugovora onom ponuđaču čija je ponuda po rang – listi (navedenoj u Zapisniku o pregledu i ocjeni ponuda) odmah nakon ponude najuspješnijeg ponuđača.

#### Članovi komisije:

1. Amra Kahrmanović – predsjednik Komisije
2. Edin Sijamić – član Komisije
3. Amela Krivošija – zamjenski član Komisije
4. Tajma Dedović – član Komisije
5. Veronika Žulj – član Komisije

*Amra K.*  
*Edin Sijamić*  
*Amela Krivošija*  
*Tajma Dedović*  
*V. Žulj*

